

**PROBLEMA ENTRE
GANGNAN TA SIGI POLIS A
MANDA TUR HENDE PLAT
BANDA DI E HIGHRISE
HOTELNAN**



WWW.SOLODIPUEBLO.COM



SOLODIPUEBLO@GMAIL.COM

**E TEAM DI POLIS
ANTI DROGA
COMPAÑA PA
UNIDADNAN
K9 CU RAZZIA
Y ACCION NA
ALGUN ADRES**



**PARADA DI
CARNAVAL
DI COLEGIO
LAURA WERNET-
PASKEL**



**E ALUMNONAN DI
ST.ANNASCHOOL
A CELEBRA DIA
DI BETICO EN
GRANDE**



PARADA DI CARNAVAL DI COLEGIO LAURA WERNET-PASKEL



Diabierna 2 di februari 2024, muchanan di Colegio Laura Wernet-Paskel na Kadushi Largo pa di su 45 aña ta celebra Carnaval cu un parada conhuntamente cu participantenan di otro scolnan di barío di Santa Cruz.

Nos parada lo sali 5'30or di atardi for di parkeerplaats di Colegio Laura Wernet Paskel. E parada ta bira na e crusada di Sero Compa y Kadushi Largo bay pariba direccion Angochi y ta lora despues pa termina

e parada riba e veld di Sportboys Club.

Colegio Laura Wernet-Paskel tin como tema e aña aki:

'MUSICA TA BIDA'

Tur aña muchanan di diferente scolnan di cuido, preparatorio y scolnan basico ta participa na nos parada di Carnaval. E aña aki ta compaña nos:

- Curason Contento cu e tema Indjan.
- Sint Jan Kleuterschool cu tema di "Candy Land."
- Cacique



Macuarima cu e tema di "indjan den celebracion."

• Colegio San Hose cu tema di "Shoconan di San Hose ta hisa benta den 70."

• Y aña ki un bez mas

De Schakel basisschool tambe lo participa na nos parada, cu e tema di "Jungle".

Nos ta gradici e scolnan di awor caba cu tur aña ta yuda engrandece nos


parada. Un y tur ta keda cordialmente invita pa bin presencia e parada anual di nos muchanan di Santa Cruz.

POLIS INVESTIGANDO: TATA CU YIU A YEGA CAS HERIDA DESPUES DI UN PELEA Y AMBULANS MESTER A BINI PA NAN

Diaranson madruga a drenta informe di cu 2 persona a yega cas mal herida despues di un pelea, mesora a dirigi un patruya na e sitio.

Na yegada di e patruya a bin compronde cu tanto e tata como e yiu a haya nan mes den un problema unda pelea a start y nan a ricibi basta sla y ora nan a yega cas e tata a bisa cu e no ta sinti bon.

Polis a solicita presencia di ambulans y a avisa tambe pa recherche bin atende cu e caso.



Minister Endy Croes: E ALUMNONAN DI ST. ANNASCHOOL A CELEBRA DIA DI BETICO EN GRANDE



Diaranson ultimo, Minister di Enseñansa y Deporte a bishita scol basico St. Annaschool, en cuadro cu Dia di Betico cu ta 25 di januari proximo. St. Anna School ta conta cu total di 279 alumno. E mandatario di Enseñansa a conta e alumnonan di St. Annaschool tocante e historia di Betico y e motibo cu nos ta celebra Dia di Betico. Gilberto François "Betico" Croes a nace dia 25 di januari 1983. Dia 9 di febreru di aña 1971, Betico a lanta su propio partido Movimiento Electoral di Pueblo (MEP), determina pa saca Aruba for di constelacion Antiyano. Aruba a haya su Status Aparte entrante 1 di januari 1986 y Betico mes no a biba pa wak su logro.

Cu e Status Aparte aki, Aruba por a haya su propio

gobierno, parlamento, moneda, banco central y ortografia. Pues, Betico Croes a laga un herencia valioso pa Aruba, pa e motibo aki nos tin cu keda educa nos mucha- y futuro generacionnan di e lucha cu nos Libertador Betico Croes a hiba pa Aruba haya su Status Aparte.

Despues di esaki, Minister Endy Croes a duna inicio na e competencia di poesia di e scol. En conexion cu Dia di Betico, 12 alumno di cada klas a proclama un bunita poema. Minister Endy Croes a desea e alumnonan hopi exito. Finalmente, Minister Endy Croes a gradici cabesante interino di St. Annaschool Sra. Angelic Thijsen y ful e team pa e caluroso recibimiento y a desea nan feliz Dia di Betico.



KVK A TENE SU KICK OFF MIXER Y MEET THE BOARD 2024



– Camara di Comercio y Industria Aruba (KvK) a organisa su prome evento pa aña 2024 riba diamars, 23 di januari ultimo. Manera ta custumber, na comienso di aña, KvK ta organisa un evento caminda invitadonan, tanto di sector priva como tambe di sector publico, ta bini hunto pa socialisa y na mesun momento por

cera conoci cu e directiva nobo di KvK. KvK ta haya importante pa socialisa y mantene contacto cu stakeholders di sector priva y tambe sector publico y alabes probecha e momento pa gradici un y tur pa e bon comunicacion y cooperacion ricibi durante e aña cu ta tras di lomba.



E Presidente saliente, sr. Gavril Mansur, a gradici tur stakeholders pa e cooperacion cu KvK a ricibi durante 2023. Alabes, sr. Mansur a comenta di ta hopi entusiasmo pa e aña aki na unda KvK tin un Presidente cu hopi energia y animo pa traha pa comercio. Alabes, e la expresa di ta duna su sosten completo na e Presidente nobo.

E Presidente nobo pa aña 2024, sr. Diederik Kemmerling, a comparti algun palabra cu e publico, y comparti su vision y punto di bista di con e lo percura pa hiba maneho durante su temporada como Presidente hunto cu e demas miembronan di directiva. Por ultimo, sr. Kemmerling a vocifera cu KvK lo keda mantene e comunicacion estrecho cu e stakeholders y cu

Gobierno di Aruba, y ta desea di duna mas asistencia y guia na e comerciantenan den 2024. Den e cuadro aki, KvK lo evalua unda por duna mas asistencia den e retonan cu comerciantenan ta confrontando, y alabes ofrece mas variedad den trainingnan pa e doñonan di negoshi.

E aña aki tambe KvK lo ta ocupa cu varios tarea pa asina cumpli den un manera structura cu e cambionan den ley cu a tuma luga. Manera ya ta conoci, desde 1 di januari 2023, a introduci e ley nobo pa registra e UBO (Ultimate Beneficial Owner) di companianan. E ultimo dia cu por registra e UBO di companianan, ya existente prome cu e cambio di ley aki a tuma luga, ta 1 di juli 2024. Alabes, KvK lo cuminsa

cu e disolucion di tur AVV's (Aruba Vrijgestelde Vennootschap) cu ta inactivo. Esakinan ta algun di e tareanan cu KvK ta ocupa cune actualmente, hunto cu otro proyectonan plania.

KvK ta contento cu e Kick Off Mixer y Meet the Board 2024 tabata un exito y ta gradici tur su invitadonan pa nan presencia, y ta spera cu e aña aki KvK lo por organisa mas evento, reunionnan, training y charla pa comercio pa asina por ta mas cerca di e comerciantenan pa por haya nan feedback y asina tin un bista mas amplio di e retonan, preocupacionnan y deseonan cu ta reina den sector priva.

Aruba, 24 di januari 2024
Camara di Comercio y Industria (KvK)

POLIS A DETENE HOMBER BAO INFLUENCIA CU A BAY HACI FASTIOSO NA CAS DI SU-EXPAREHA

Diahuebs madruga a drenta informe di cu tin un homber burachi cu a bay haci fastioso na un cas na Kibaima, mesora a dirigi patruya na e sitio. Na yegada di e patruya a bin compronde cu e homber bao influencia a bin na cas di su ex-pareha y tabata haci fastioso. Polis a purba papia cu e homber pa e bandona e sitio y bay su cas pa e descansa, pero e homber no kier a haci caso di e polis. No a keda nada otro cu detene pa e no sigi molestia.



MOVIMIENTO TA BIDA (HOFI DEN BARIO)



Diabierna dia 19 di Januari un grupo di Studiante di De Schakel College a join e grupo di voluntario 60plus cu tur siman ta mantene un Hofi den Bario na Cashero, cual ta cay bou di un di e proyectonan pa 60plus di Fundacion Movimiento ta Bida (FMTB). Meta di e proyecto aki ta pa keda activo, siña encuanto plantacion y mantene e Hofi. Semanalmente tin boluntario di Cas Sjabururi cu tambe ta yuda. E mainta a bai sumamente bon unda cu e 18 hoben nan a yuda cu limpieza di e tereno, kita yerba, vertilisa e tera y transporta paletnan.

Mientras tabata traha a canta hunto den team. E studiantenan a hasi pregunta y hopi splicacion a wordo duna encuanto

e matanan di fruta y berdura. E hoben nan a gusta traha pafo den naturalesa pero varios a bisa cu ta trabou toch mas pisa cu nan a kere. E iniciativa pa participa a bin di parti di De Schakel cual ta un scol multilingual cu ta enfoca riba e studiantenan desaroyo personal y como ciudadano mundial. Man habri FMTA a tuma e ayudo aki.

E proyecto ta draai danki na boluntarionan figo y dedica pa yuda minimo 2x pa siman. Pa medio di e comunicado aki FMTB ta pidi organisacion mas grandi of compania si por tuma contacto pa 1, 2 of 3 bes pa aña yuda cu limpieza di e tereno cual ta trabou mas pisa pa e 60plussers nan. Of por bel 592-5433



pa mas informacion. Tambe tur otro voluntario ta bon bini y por inscribi

via Arubavolunteers.org FMTB kier a gradici e docente- y alumnonan

di De Schakel pa scoge e proyecto aki y pa nan yudansa. Masha danki!

POLIS A DETENE DAMA BURACHI CU A OCASIONA ACCIDENTE NA PONTON

Diahuebs madruga a drenta informe di un accidente na Ponton, mesora a dirigi un patruya na e sitio. Na yegada di e patruya a bin compronde cu aki ta trata di un accidente unda un dama chauffeur burachi den e Toyota Yaris cora no a duna preferencia y a bay dal riba un auto. Afortunadamente ningun



hende a resulta herida pero polis a detene e dama

chauffeur di e Toyota Yaris cora.



Prome Minister Evelyn Wever-Croes:

Betico, e Lider stima pa su pueblo

DISCURSO DI PROME MINISTER EVELYN WEVER-CROES – DIA DI BETICO 25 JANUARI 2024



Diahuebs mainta, Dia di Betico, 25 di januari, a tuma luga na Plaza Libertador G.F. Betico Cores, e ceremonia protocolar organisa pa Comision Celebracion Dianan Nacional (CCDN) hunto cu Gobierno di Aruba. Prome Minister na e ocasion a duna su discurso primeramente famia di Betico, CCDN, Minister di Cultura Xiomara Maduro y pueblo di Aruba en general.

“Awe 25 di januari nos a bin hunto na un acto protocolar p’asina nos conmemora y celebra e fecha natalicio di un gran Arubiano, estadista y Libertador Gilberto François (Betico) Croes kende lo a cumpli 86 aña.

Betico a nace dia 25 di januari 1938 den e pueblo di Santa Cruz, den un hogar humilde caminda semper tabata reina amor, compasion y union familiar. Maestro tabata su profesion, pero bida a haci’e dirigente di su pueblo. Destino a haci cu el a bira un luchado cu a rebiba y realisa e causa di e pueblo Arubano pa su libertad.

Sin duda cu e trayectoria di Betico Croes como politico tabata impresionante. E stimacion cu el a demostra pa su isla natal tabata asina grandi y esaki tabata visibel a traves di e lucha tenaz cu el hiba pa logra e deseo di e pueblo Arubano, esta un Aruba autonomo den Reino Hulandes. Betico a transforma su stimacion y felicidad pa su pueblo mediante su propio

yiunan bisando cu “e felicidad cu mi ta desea pa mi propio yiunan ta e felicidad cu mi ta desea pa henter e pueblo di Aruba”.

Historicamente e anhelo pa libertad a biba pa decadanan largo den curason di tur Arubiano y den apenas 12 aña Betico a logra realisa e anhelo aki. E liderazgo di Betico Croes tabata autentico di un Arubano kende cu hopi fervor tabata dirigi su pueblo, convirtiendo su mes den e berdadero lider y portavoz di e lucha pa nos Status Aparte.

Un palabra clave cu Betico a uza for di cuminsamento di su lucha pa Status Aparte tabata Union, union di e pueblo Arubano, sin distincion di rasa, color, religion, status social etc. Y pa por logra e union aki y consecuentemente e libertad constitucional, Betico como e gran arkitekto y lider visionario a percura primeramente pa Aruba haya su propio himno y bandera, simbolonan di union y libertad y cual simbolonan a wordo inaugura dia 18 di maart 1976 den Wilhelmina Stadion.

Sin embargo e lucha cu Betico Croes a hiba pa saca Aruba for di e constelacion Antiano, no a bay asina facil y no a bay sin sacrificio. Un dicho cu Betico semper a vocifera tabata cu “No tin lucha sin sacrificio y no tin sacrificio sin gloria”. Hecho ta cu hopi sacrificio a ser haci pa Betico y esnan cu a

lucha hunto cu ne, cu awe tambe nos ta recorda. Nos ta corda tur e manifestacion y protestanan hunto cu su pueblo, su encarcelamento inhusto, tambe durante e Referendum Consultativo y e accionnan di Augustus scur na 1977.

Pero tabata danki na e accionnan aki cu porfin Hulanda a dicidi na 1981 di duna atencion na e lucha di nos pueblo reconociendo e derecho di autodeterminacion.



Na varios ocasion den e lucha pa Status Aparte, sanger, sodo y lagrima a ser drama, caminda nos tin cu recorda entre otro e atentado riba bida di Betico dia 24 april 1983 riba veld di Winston na Santa Cruz.

Y con e lucha pa nos libertad a culmina durante e Conferencia di Mesa Rondo na maart 1983 na Hulanda, caminda Aruba bao liderazgo di Betico Croes a logra su Status Aparte, esta un pais

autonomo den Reino Hulandes cu su propio Gobierno, propio Parlamento, propio Gobernador, propio moneda y propio instrumentonan economico pa desaroya nos pais exitosamente. Esaki ta e bunita legado cu Betico Croes a laga atras pa e generacion aki y futuro generacionnan caminda e mes a yega di declara cu, “Mi sa cu despues cu nos no t’ey mas, historia lo demostra kico ta e rikesa inmaterial cu nos a laga atras pa nos criaturanan”.

Continuacion di pag.



6Durante e ultimo siman y añanan mi a bishita varios scol na Aruba relaciona cu e celebracion di Dia di Betico y mi ta orguyoso di experiencia con e alumnonan di e diferente scolnan aki ta balora tur e trabaonan inmenso ehersa pa nos Libertador y ta muestra nan stimacion pa Betico Croes mediante canto, poesia, pintura y obranan di arte. Pa esaki mi kier gradici e maestro y maestranan cu ta traha asina duro den enseñansa, y ta percura pa e historia di Betico Croes y nos Status Aparte wordo inculca den nos hobennan.

Awe mi kier comparti un parti di e poesia cu alumnonan di klas 4 di St Fransiscus College a recita ayera, ora mi a bishita nan. Un poema dedica na Betico, den cual nan a uza e leternan di su nomber:

B alente
E nergetico
T alentoso y triunfante
I nteligente
C arismatiso y curason grandi

O rguyoso di ta Arubiano
Betico tabata tur esaki y hopi mas. Y ta p'esey nos ta asina orguyoso di por tabata tin un lider di e taya aki.

Durante nos bishita na scolnan, nos ta conta tambe tocante e bida di Betico, e lucha, e sacrificionsn y e logronan. Nos speransa ta cu asina nos ta duna cada alumno inspiracion pa momentonan cu nan haya nan mes den retonan,

y e importancia di stima bo pais, iresepecto unda bo a nace. Betico Croes mes a bisa "Arubano no ta solamente esun cu a nace na Aruba, Arubano ta tambe esnan cu a nace den exterior pero a haci di Aruba nan hogar".

Pues awe riba e fecha natal di nos Libertador, ban ta haci e compromiso un biaha mas, cu nos lo no laga e memoria di Betico Croes muri nunca y muestra na un y tur cu e sacrificionan cu Betico a haci pa logra e Status Aparte tan anhela no tabata envano.

Na su yiunan, y nietonan aki presente, nos kier bisa un biaha mas DANKI pa comparti boso tata cu nos, y nos ta spera cu e stimacion cu nos pueblo tin pa boso, por duna boso consuelo ora cu boso sinti su falta.

Por ultimo mi kier a gradici Comision Celebracion Dianan Nacional y colega Minister Xiomara Maduro, pa e bunita organisacion riba e dia aki y e manifestacion cutlural di ayera, na tur cantante, agrupacionnan musical, y boso, nos invitadonan cu a bin conmemora e dia importante aki cu nos.

Pueblo Arubano, awe ban hisa nos bandera y celebra Dia di Betico den gran forma y pasa un feliz Dia di Betico. Cu Dios bendiciona cada ciudadano di nos pais.



COMPOSITE VENEERS

THE KEY TO A CONFIDENT CARNIVAL SMILE

Public Figure:
karol Croes
Jeon Arvani

FREE CONSULTATION ☎ +297 585 3255
+297 592 9398

DENTAL SOLUTIONS ARUBA

Parlamentario Alvin Molina (MEP):

CELEBRANDO DIA DI BETICO CU NOS GRANDINAN.

Ta hopi bunita pa mira con nos grandinan ta ricibi e amor y cuido cu nan merece. Sigur bishitando Amilia Care Services y Amada Care Services ambos situa pariba di brug, nos a sinti e ambiente y preparacionnan den cuadro di celebracion di Dia di Betico.

Nos a combersa y comparti un momento placentero. Tambe, nos a hiba un pasaboca pa nos grandinan y asina aporta na e celebracion di Dia di Betico.

Manera cu nos grandinan a bisa mi, no ta dia 25 di januari so mester celebra Dia di Betico, pero henter aña nos tin cu aprecia y preserva loke nos Libertador Betico Croes a logra pa nos Pais Aruba.

Danki na Amilia Care Services y Amada Care Services pa e bunita trabou cu nan ta ehrece y amor cu ta brinda nos grandinan, nos tesoronan.

Mi ta grandici ful e team Amilia Care Services y Amada Care Services pa e caluroso ricibimento y un mainta ameno.



MINISTER ENDY CROES TA FELICITA DIAMONDS INTERNATIONAL CU APERTURA DI NAN DI TERCER TIENDA NA ARUBA



Recientemente, Diamonds International a haci apertura di nan tercer filial na Aruba. E tienda nobo ta situa den Paseo Herencia Mall. En conexion cu e di 30 aniversario di Diamonds International na Aruba a dicidi di habri un tienda mas e biaha aki den e area di Palm Beach, unda cu mayoria di nos bishitantenan ta hospeda.

Minister Endy Croes, Colega Minister Xiomara

Maduro y Minister Ursell Arends acompaña pa su kerida esposa Tamarah Arends – Croes tabata presente na e ceremonia di apertura. Memey di prensa y invitadonan special Minister Xiomara Maduro, Minister Ursell Arends, Island Manager Sr. Rishi Chabbria y Regional Manager Sr. Moshe Hakimi a corta e cita pa asina afectua apertura oficial di e tienda. Pa conclui, Minister Endy

Croes ta felicita e doño y e personanan cardinal den e operacion exitoso di Diamond International na Aruba, kendenan ta Sr. Moshe Hakimi, Regional

Manager, Sr. Luis Valverde, Regional Financial Controller, Sr. Lyndon Evans, Regional Brand Manager, Sra. Nathalie van Trikt, Regional Marketing

Manager y Sr. Rishi Chabbria, Island Manager. Alabes ta desea nan hopi exito cu nan tercer filial na Aruba. Pabien!



Minister Rocco Tjon:

A HACI BISHITA ANUAL NA DEPARTAMENTO DI ASUNTONAN SOCIAL

ORANJESTAD - Dialuna mainta, minister di Husticia y Asuntonan Social sr. Rocco

Tjon hunto cu trahadonan di Ministerio di Husticia y Asuntonan social como tambe trahadonan di Departamento di Asuntonan Social (DAS), a haci su bishita

anual na e departamento aki. E meta di e bishita aki ta pa “touch base” cu diferente

departamento, pero mas aun pa brinda oportunidad na e personal cu tin deseo pa

cu esaki y asina combersa cu nan, scucha nan idea nan y reto nan.

E mandatario a indica di ta sumamente satisfecho di por a combersa cu personal cu ta

traha den diferente departamento. Ta trata di e departamento cu ta brinda e

cuido, e prome y di dos linea, pero tambe esnan cu ta traha den e departamento nan cu ta brinda

e sosten na e proceso nan primario. Banda di esaki, a haya e oportunidad di duna un

splicacion tocante e diferente proyecto nan cu ta den pleno ehecucion, pero tambe

scucha e ideanan di e personal mes.

Un cos cu a resalta di e bishita aki ta e deseo pa sigui inverti den e personal pa loke ta

amplia nan conocimiento. Den e plan di maneho pa 2024, cual a ser ricibi for di februari

2023, esaki ta forma e parti esencial di e maneho pa loke ta trata 2024. Actualmente,

DAS ta pasando door di un restructuracion di e organisacion, cual ta hopi importante pa

asina por brinda mas perspectiva na e personal, pero tambe por adapta na

e demanda cu ta bin riba e organisacion y di e forma ey brinda un miho cuida y un miho ayudo na tur esnan cu tin mester di un di e productonan cu DAS ta ofrece.

Banda di esaki, na februari lo bay inicia cu e trayecto di ISO, cual ta sumamente importante pa di e forma aki por eleva e servicio y calidad cu ta wordo brinda door di

DAS. Ta trata di un trayecto cu centro ortopedagogico a culmina, kende a indica cu esaki

tawata un experiencia positivo y efectivo, pa cual motibo a dicidi di brinda esaki na DAS tambe.

Alabes, pa loke ta e parti infrastructural, dentro di tres siman e mudansa lo tuma luga, caminda lo muda for di e edificio di FCCA pa e edificio completamente renoba na

Lagoenweg. E ultimo trabounan ta tumando luga, caminda ta cambiando e airconan, pa

asina e grupo por muda bek pa e edificio renoba. Na mes momento ta bay inicia cu e

ultimo fase di e renobacion cual ta e parti di electrico, pa asina tur departamento di DAS

por muda bek na e edificio aki.

Diferente departamento di DAS ta brinda hopi sosten na clientenan, sosten individual a

base di diferente tools y matrix cu nan a introduci, pero banda di esaki un ayudo mas

specialisa na famianan cu tin mester di esaki. Tambe, a pone enfoke riba e bijstand

trekkers, a base di brinda curso manera “entrepreneurship” “budget-

ing” y tambe a inicia cu un grupo pa brinda yudansa pa yega na un cupo di trabou riba mercado laboral.

Por ultimo, dentro di poco e ekipo cu ta ubica na San Nicolas tambe lo bay muda na un

luga temporario, pa asina hunto cu DOW por examina e trabounan cu mester wordo haci

na e edificio situa na San Nicolas, pa asina por renoba esaki tambe a partir di 2025. E

mandatario a indica cu e ta sumamente contento cu e trabounan cu a wordo haci, y na

mes momento ta gradici henter e ekipo di DAS pa e trabou sublime cu nan ta haci pa

comunidad di Aruba.



Accidente pa falta di preferencia banda di Mundo Nobo na Santa Cruz



Diamars atardi a drenta informe di un accidente banda di Mundo Nobo na

Santa Cruz, mesora a dirigi un patruya na e sitio. Na yegada di e patruya a bin

compronde cu aki ta trata di un accidente pa falta di preferencia.

Accidente cu hende herida dilanti Imelda Kleuterschool na De La Sallestraat

Diaranson mainta a drenta informe di un accidente banda di Imelda Kleuterschool, mesora a dirigi un patruya na e sitio. Na yegada di e patruya a bin

compromete cu aki ta trata di un accidente unda e chauffeur un dama chauffeur no a regula su velocidad ni a mantene distancia a bay dal tras di e auto

su dilanti. Debi na e impacto un persona a resulta herida.

Na yegada di ambulans nan a atende e victima.




E team di polis anti droga compaña pa unidadnan K9 cu razzia y accion na algun adres

Diaranson for di oranan di mainta por a nota e team special di polisnan anti narcotica preparando nan mes pa un salida acompaña pa polisnan di e unidadnan K9 pa a haci algun entrada hudicial y detencion di hendenan involvi den cultivo y bendemento



Grupo di hobennan lo kier a bay bringa na Biblioteca Nacional pero polis a presenta y nan a bandona e sitio



Diamars mainta a drenta informe cu un grupo di hoben ta reuniendo posiblemente pa un pelea

banda di Biblioteca Nacional, mesora a dirigi un patruya na e sitio. Na yegada di e patruya nan a ser in-

forma cu e grupo a move bay na un otro sitio. Polis a bay busca rond pero nona encontra cu nan.

di droga. Nan a bay na algun adres y tabata mobilisa rapidamente pa diferente sitio. Nos a purba pa haya contacto

cu vocero policial pero no tabata posibel pa haya un informe detaya y completi e resultado di e accionnan aki.



Dama hulandes europeo di edad pata pata deteni despues di a ocasiona accidente na rotonde Noord



Diaranson anochi a drenta informe di cu tin un Chevrolet Trax di huur coriendo masha malo mes riba e caminda di Ponton bayendo nort mesora a cuminsa dirigi patruyanan pa e area ni un rato despues e persona informando polis ta informa cu e auto a caba di accidenta na e rotonde Noord banda di e post di e patruyanan motorisa. Na e momentonan ey e polisnan di e brigada motorisa cu tabata bayendo na e area a mira con e accidente a sosode. Nan a mira e auto subi e rotonde casi subi e isleta despues a bira na man drechi dal den banda di un Toyota 4-runner cu tabata bini di pariba para na e rotonde


Polis a bay na Monumenten Fonds pasobra nan a laga porta habri y un adicto a drenta e cura patras



Diamars atardi a drenta informe di cu nan lo a laga e porta habri y tin un adicto ambulante patras den cura di Monumenten Fonds, mesora a dirigi un patruya na e sitio. Na yegada di e patruya a bin nota cu enberdad e porta patras ta habri pero a rondia den full e cura y no a topa ni cu adicto ni cu ni un persona.



pa bay subi. Afortunadamente ningun hende a resulta herida. Polis a nota cu e chauffeur ta un dama di edad hulandes europeo di bishita na Aruba pero e dama tabata pata pata y polis a detene.



4	1	3						8
				5		3		
		5	9				6	3
			8	2		9		
5		6			3			
8		4			6			
3					1			
			7					
					9			7

	8					3	
2			6		7		1
	6		2		1	7	
5							3
9			7		5		8
4		1	3		9	7	6
	2					1	
8		3	1		6	5	9

mr. Amalin Flanegin brengt bezoek aan het Hof

WILLEMSTAD- Op donderdag 18 januari 2023 bracht mevrouw mr. Amalin Flanegin, in haar hoedanigheid als Procureur-Generaal van Aruba, een beleefdheidsvisite aan de President van het Gemeenschappelijk Hof van Justitie van Aruba, Curaçao, Sint Maarten,

Bonaire, Sint Eustatius en Saba, de heer mr. Mauritsz de Kort. Mevrouw mr. Amalin Flanegin was op bezoek op Curaçao om deel te nemen aan de JVO-overleggen. Gedurende deze beleefdheidsvisite werden diverse kwesties besproken die

het Hof en het Openbaar Ministerie van Aruba aangaan. Op de foto zijn dhr. mr. Mauritsz de Kort (President van het Gemeenschappelijk Hof van Justitie) en mw. mr. Amalin Flanegin (Procureur-Generaal van Aruba) te zien.



Polis a bay Bushiri pa un homber burachi cu tabata haci fastioso



PRONOSTICO DI TEMPO

VALIDO TE DIASABRA 27 DI JANUARI 2024,
18:00 ORA
UN ALERTA PA BIENTU DURO TA NA VIGOR
TE MAYAN MAINTA 6'OR...

-UN AVISO PA BOTO CHIKITO PA LAMA
HABRI Y ESPECIALMENTE AREANAN

CERCA DI COSTA OOST TE NOORDWEST TA
NA VIGOR...

AVISO/ ALERTA:

UN AVISO PA BOTO CHIKITO TA KEDA NA
VIGOR PA

PARTINAN OOST TE NOORDWEST DI
COSTA Y RIBA LAMA HABRI. TA SUGERI
BAÑISTANAN NA LAMA Y USUARIONAN DI
FACILIDADNAN DI LAMA PA TENE

ESAKI NA CUENTA
E AVISO AKI LO KEDA NA VIGOR TE

DIADOMINGO MAINTA 6'OR.
PRONOSTICO DI TEMPO PA PROXIMO 3 DIANAN:
PARCIALMENTE NUBLA CU UN AWACERO
BREVE.

BIENTO LO TA FOR DI DIRECCION OOST Y
MODERA
TE BASTA FUERTE, FUERTE TE POSIBLEMENTE
DURO DEN RAFAGA;
TEMPERATURA (GRADO CELSIUS) MAX / MIN
LO TA: 32 / 26



Diamars anochi a dren-
ta informe di cu tin un
homber burachi hacien-
do fastioso na un cas na
Bushiri Residences, me-
sora a dirigi un patruya na

e sitio. Na yegada di e pa-
truya a papia cu e homber
y a bis'e mihor e bay drumi

riba su cama of sino elo
bay drumi riba cama den
cel na warda di polis.



FORTALEZA PA FAMIA
Scirbi pa Pastor Marcel Balootje.
SIRBI SENJOR CU HENTER
BO CURASON

Si un hende ta traha henter
un luna y fin di luna e ta
ricibi mitar salario e no ta
keda contento.

Si bo auto ta traha 50% bon , bo no por bay keur e auto, y lo ta difcil pa subi caya cune.

Si bo matrimonio tin solamente 50% di fieldad ta nifica cu bo no tin felicidad matrimonial.

Si bo dak di cas ta 50% bon
esey ta nifica cu ora awa ta
cay bo tin problema.

Si bo salud ta solamente
50% bon, esey ta nifica cu
cada rato bo ta na dokter.

Si bo chick/guy bisa bo cu e ta stimabo 50%, bo tin di puntre na unda e otro 50% ta bay.

Si bo ta sinti bo 50%
 homber y 50% muher ta
 tempo pa arepentí y busca
 Dios.

Si bo ta haña les na scol pa solamente 50% , ta difícil pa logra un diploma.

Si bo organonan den bo curpa ta funciona solamente 50%, bo tin un bida

ologico ta stima bo 50%,
ta tempo pa haci oracion
pa nan.

Si un yiu ta tende di su
mayornan 50% so, kier-
men e yiu ey ta rebelde.

Si bo tin solamente 50% di
confiansa den un persona,
ta dificil pa bo confia e
persona.

Tur cos den nos bida, nos ta desea of exigi pa nan ta funciona 100%, pa asina nos ta sigur y nos bida tin estabilidad. Tur hende ta busca estabilidad den nan salud y estabilidad spiritual.

Tur hende kier avansa den bida, ningun hende kier trompica tur momento cu nan kier haci algo.

Tur local nos haci na
mitar awe, mayan lo de-
muestra un falta di interes
grandi cual ta conduci na
mediocridad.

Si nos no pone 100% atencion, na nos yuinan for di ora nan ta chiki, na grandi nan ta bira difisil pa coregi, pasobra na chikito

wowo ta cay.

Pa local ta trata nos Dios Todopoderoso ta para scirbi : y Hesus a contesta: Stima Señor bo Dios, cu henter bo curason,y cu henter bo alma,y cu henter bo mente. (Mateo 22:37). Ta imposibel stima Dios y stima mundo , ta imposibel stima Dios y keto bay ta mara na cos di mundo. Ta imposibel bisa cu nos ta stima Dios, y nos ta keto bay mara na inmoralidad, orguyo, arrogancia, y falta di pordon.









Ora nos ta biba den un
situacion asina , nos ta
gaña nos mes, pasobra nos
Dios ta puro y santo y e no
ta






acepta ningún clase de
bagamunderia. Tur locual
hende sembra nan lo cose-
cha, ningún hende no por
gaña Dios.

Nos bida ta un cosecha di
locual nos a sembra y ta
sembrando, pesey si nos
kier un cambio, e cambio
mester sosode den nos cu-
rason, y ta solamente ora
nos entrega nos curason
na Cristo Hesus un cam-
bio

berdadero lo tuma lugar. Hopi hende kier biba mitar bida den Cristo, y esey no ta posibel, pasobra esun cu ta sali perhudica ta bo mes, dia y tempo lo demostra cu bo no ta berdadero, pasobra na bo frutanan hende lo conoce bo. Ta imposibel pa un hende cu di berdad ta stima Dios, bira lomba pa Dios, y bay participa den cosnan di mundo, pasobra den cosnan di mundo Dios no ta agrada, Dios no tin parti den buracheria, paranda y perversion.

A yega e tempo pa para
keto y tuma un decision,
den cual nos ta sirbi Dios
cu henter nos curason.
Ta dificil pa biba dos bida.

		Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com	
Resultado : Sorteo 26 Jan 2024 Merdia			
			
Sorteo # 4163			
2424			
7660			
9779			
			
X2			
			
Sorteo # 4163			
5252			
			
Sorteo # 2219			
7253			
			
Sorteo # 4163			
2603			
Scorpio			
			
Sorteo # 1037			
454			
			
FP			

					
Sorteo #		Joker	Letter		
0 x Jackpot		Proximo Jackpot			
0 x Match 4+		310.000,-			
0 x Match 4					
0 x Afl. 12,00					
					
Sorteo #		Proximo Jackpot			
0 x Jackpot		70.000,-			
0 x Match 4					
0 x Afl 8,00					
					
Sorteo #		Mega Ball			
0 x Jackpot		400.000,-			
0 x match 4					
0 x Afl. 500,00					
0 x Afl 50,00					
0 x Afl.15,00					
		Afl. 540.000,-			
Sorteo #					

ORACION DI DIA

**Un feliz dia yena di bendicion y colma cu
hopi fe y confiansa den nos Bon Dios**

El a bisa nan:..... ”Pakico boso tin tanto miedo asina? Ainda boso no tin fe?” (Marco 4, 40)

Confiansa. Un palabra cu nos conoce bon. For di chikito nos a siña confia nos mayornan. Sin pensa, di biaha nos ta kere nan, pasobra nos sa cu nan ta stima y cuida nos. Segun cu tempo pasa, nos ta crece y ta topa hende den nos caminda di bida cu kisas a defrauda nos. Nos ta cuminsa duda den e sinceridad di hende. Y perde confiansa y speransa den Dios. Tambe nos tin miedo di faya y miedo cu otro hende ta faya nos. E disciplinan a duda, nan tambe a haya miedo y a perde speransa.

Nan no sa di e poder todopoderoso di nan Maestro Hesus. Nan no conoce ainda. ...: 'Ta ken e homber aki ta? Hasta biento y lama ta tende di djE'(Marco 4, 41) nan a bisa. Nos tambe por scapa di un tormenta o un turbulencia den nos bida. Scucha Su Bos severo cu ta papia den nos curason, pa nos confia den djE. E Yiu di Tata.

Oracion: Señor Hesus, haci mi Fe mas grandi. Yuda mi. Proteha mi. Duna mi forza pa enfrenta tur problema cu un calma, paden den mi ser. Den e nomber prestigioso di Hesus di Nazaret. Amen.

Cu tristesa na nos curason pero
agradecido pa tur loke ela nifica
pa nos, New India
Assurance ta anuncia fayecimento di:




Joy Raghunath

6 augustus 1952 - 25 januari 2024
Directora di New India Assurance di 1999 pa
2014

Acto di despedida y celebracion di Joy su
bida lo wordo anuncia despues.

PROBLEMA ENTRE GANGNAN TA SIGI POLIS A MANDA TUR HENDE PLAT BANDA DI E HIGHRISE HOTELNAN



Despues di ya pa algun tempo cu tabata tin un confrontacion na Palm Beach awor diadomingo madruga a bolbe topa otro y a confronta cu otro. E problema parece no a termina y ta sigi stoba. E problema a start na Moomba y a sigi te banda di Holiday Inn unda hasta a dal e otro su auto. Polis mesora a yega y a manda

ambos partido plat abao y a atende severamente cu nan pero na final ningun detencion a cay.



Mi a puntra Hesus: "Hesus con hopi Bo ta stima mi?"

El a contesta mi: "Asina hopi".
Después el a habri su brasa nan y el a muri.

Marcela Catharina Werleman

Cariñosamente yama Tante Chela
*4 September 1948 - †22 Januari 2024



Mayornan: Pedro y Carmen Werleman-Carolina
Rumannan: Petra
Fabia
Eusebia (Ebia)
Sabino (Chillin) y Marlin
Crispino (Freddy)
†Ika y Slaviša
Elvira
Candido (Candy) y Josy
Mateo (Lino) y Gina

Sobrino y sobrinanan:

Sharine y yiu Mason, Yeager y yiu Yadechienne y Yulanne, Sandra, Cindy y Raphael y yiu Regerick, Jayzion y Azarael y demás famia, Rudselyn, Jósue, Candrick

y Marielle y yiu Cylaine, Stefan, Lindsay, Adair, Aimee y Patrick, Ciana

Tanta y Omonan:

†Francelina Caster y famia

†Maria Caster y famia

†Hilario y Joyo Thiel- van der Biezen y famia

†Alfredo y Marcolina Thiel-Wernet y famia

Forita Thiel y famia

†Alejandrina y Nai Gomez-Thiel y famia

†Rafai y Clarita Thiel y famia

†Helenita Koolman y famia

†Crismo y Getreida Carolina-Maduro y famia

†Jacintho y Flor Carolina-Ochoa y famia

†Gregorio y Maria Carolina-Hernandez y famia

†Cecilia Carolina

Nicolaas y Estella Carolina-Ochoa

†Damasa Lacle y famia

†Jojo y Hilario Thiel- van der Biezen y famia

†Buchi van der Biezen y famia

†Tan y Chichi van der Biezen-Winterdaal y famia

Maria y +Luis Kock-van der Biezen y famia

Mena y Juan van der Biezen y famia

Pief y Helena van der Biezen y famia

Chito y Bea van der Biezen-Frans y famia

Primo y primanan, bisiñanan, demás famia y conocirnan:

Werleman, Carolina, Peña, Thiel, Caster, van der Biezen, Acosta, Ching, Vrolijk, De Voogd,

Koolman, Pešic, Sanchez Callahua, Maduro, Locadia, Figaroa, Curiel, Geerman, Kock,

Flanegin, Hernandez, Ochoa, Lacle, Thijs, Dubero, Wever, Donata, Kock, Frans y van der

Linden.

Ta invita amigo, bisiña y conocirnan pa asisti na:

Acto di condolencia lo tuma lugar diabierna, 26 di Januari 2024
di 7'or pa 9'or na Aurora Funeral Home.

Acto di entierro lo tuma lugar diasabra, 27 di Januari 2024.

For di 2'or di atardi defunto Marcela Werleman lo ta reposa na
Misa Immaculada Concepcion y después pa Santana Católico na Santa Cruz.

Nos ta lamenta cu después di entierro nos no por ricibi visita di
condolencia na cas.

“Lagami biba pa semper den Bo cas y sconde bou Bo halanan. Abo, Dios, a scucha mi promesanan, B’a dunami e tera cu ta toca esnan cu ta honra Bo”. (Salmo 61, 4:5)

Cu profundo tristesa, pero conforme cu boluntad di Dios nos ta participa fayecimento di nos kerido esposo, ruman y omo stima:

Raymundo Werleman

Cariñosamente yama Mo Rey

23 juli 1936 – 18 di januari 2024



Ex trahador di LAGO

Ex trahador di Fiesta Trading

Ex trahador di Canashito Farm Supplies NV

Su kerida esposa: Theresita (Sita) Werleman-Croes

Subrino stima manera yiu: Dino Yarzagaray y famia

Su rumannan: †Apolonio (Poy) y †Angelica Werleman-Ras y famia

†Rosario (Ro) y †Margarita Werleman-Maduro y famia

†Maximina (Chichi) y †Basilio Maduro-Werleman y famia

†Cerilio y †Maria Werleman-Geerman y famia

†Emiterio (Mito) y †Maria Werleman-Kock y famia

†Jan Faustinus (Janchi) y †Augustina (Tina) Werleman-Geerman y famia

†Zenovia (Noba) Werleman y famia

†Catarina (Tinchí) y Mario (Mai) Croes-Werleman y famia

†Luisa (Wisa) y †Augustin Yarzagaray-Werleman y famia

†Fabiano (Padu) y Rita Werleman-Wever famia

†Martina (Ina) y Placido (Do) Geerman-Werleman y famia

Lucio (Luca) Julian y Betty Werleman-Dirksz y famia

Swa y cuñanan: †Sira y †Tommy Croes-Croes y famia

Elvira y †Luciano Schwengle-Croes y famia

Linda y Rene Nieuwkerk-Croes y famia

†Elca y †Braulio Rodriguez-Croes y famia

Engrid Croes y famia

Leoncio y Yolanda Croes-Tromp y famia

Tur su ihanan, su subrino y subrinanan, su primo y primanan, comer y compernan, su amigo y amiganan

di cas, su bon bisiñanan, miembronan di coro Inmaculada Concepcion di Sta. Cruz, miembronan di Legion di Maria, miembronan di grupo Carismatico, miembronan di grupo di Oracion Cosecha di Señor, Fe Speransa y Amor, demas gruponan di Oracion y demas famia Werleman, Croes, Yarzagaray, Maduro, Geerman, Schwengle, Nieuwkerk, Rodriguez, Tromp, Solognier y demas famia.

Ta invita pa asisti na e oportunidad di condolencia y acto di entierro cu lo tuma lugar diarazon 31 di januari na Misa Inmaculada Concepcion na Santa Cruz. For di 2’or di atardi e restonan mortal di nos defunto stima lo ta reposa den Misa.

Pa 4’or lo bay tin un Santo Sacrificio di Misa sigui despues pa Santana Catolico “Santa Maria” na Sta. Cruz. Lo ta bay tin un box disponibel pa donacion na Wilhelmina Kankerfonds.

Si den nos tristesa nos por a lubida di menciona un of mas familiar of ser kerí, nos ta pidi nos mas sincero disculpa!

NOS TA CUIDA BO YIU SI BO TA BAY CARNAVAL

Mami Papi buscando un laga pa laga tesoro precios@ den dianan di carnava, mi'sa mami papia stima su yiu asina hopi i ami hunto cu boso, lo sa di cuide di Solo, muziek duron problemanan rond lo e come bon y hasi obra di man i pasa super leuk cu diferente actividadnan, Antoooo Mami Papii a keda hopi cansa? Nooo worryyy mi ta cuida su soño te mainta i mi mes lo hibe pa boso te na cas @ 8am .. keda pending pa e 1 dia di locura.

BAN HUNTO MAYORNAN CUIDA NOS MUCHANAN

**Incl : Dinner & snack
Transporte mainta**

Info @ 7473644
Illiane de Mey
The little Rascals
Lider certifica
i
registra na Fundacion
pa nos Muchanan
Y
DMH

**Incl: Breakfast
Lunch Dinner
Transporte mainta**

Jan 31: Sunset
Feb 03: lighting

FI 65,00
7:30pm-1am

FI 100,00
7:30pm-8am

28 Jan: Mucha O'stad
4 feb: Mucha San N
10 feb: Grandi San N
11 feb: Grandi playa & Momo

FI 65,00
7:30am-8pm

FI 100,00
7:30am-8am

**RESERVA BO CUPO PA
NO KEDA AFO CU
FL 25,00**

Jouve adveture :Trese bo tent
Feb 2 @ 7:00pm t/m Feb 3 @ 11:00am
Incl: transporte mainta - dinner - breakfast.
FI 100,-



Obituario

Publica serka nos anuncio di fayecimento di bo ser kerí.
Nos tin 2 pakete pa ofrece;

Pakete 1: Anuncio di fayecimento te dia cu e defunto
ser dera
Gradicimento y invitashon pa misa pa 3 dia AFI 250,00

Pakete 2: Anuncio di fayecimento te dia cu e defunto
ser dera
Gradicimento y invitashon pa misa pa 3 dia

Na Canal 22 1x prome cu Noticiero 22 Afi 400,00

**Pa mas informashon por tuma contacto cu oficina na
585-9500 of na 741-4554**